



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj: 2/19, 8/21 i 10/25), tačke 9. Programa utroška sredstava iz Budžeta Grada Tuzle za 2025. godinu namjenjenih za aktivnu politiku zapošljavanja po Projektu “Zapošljavanje ranjivih kategorija”, broj: 04/11-A-14170/2025, od 5.9.2025. godine, Služba za ekonomski razvoj, poduzetništvo i poljoprivredu Grada Tuzle, dana 16.9.2025. godine, objavljuje:

JAVNI POZIV

za dodjelu sredstava za podršku samostalnim djelatnostima i privrednim društvima registrovanim na području grada Tuzle u zapošljavanju ranjivih kategorija u 2025. godini

I - Predmet Javnog poziva

Ovim Javnim pozivom prikupljaju se prijave samostalnih djelatnosti i privrednih društava registrovanih na području grada Tuzle koji će u 2025. godini uposliti ili su u 2025. godini već uposlili nezaposlenu osobu iz Tuzle, koja se nalazi ili se u momentu prijema u radni odnos nalazila na evidenciji Biroa za zapošljavanje Tuzla i koja pripada nekoj od ranjivih kategorija nezaposlenih osoba, definisanih tačkom 3. Programa utroška sredstava iz Budžeta Grada Tuzle za 2025. godinu namjenjenih za aktivnu politiku zapošljavanja po Projektu “Zapošljavanje ranjivih kategorija”, broj: 04/11-A-14170/2025, od 5.9.2025. godine.

Ranjivim i teže zapošljivim osobama utvrđenim u prethodno navedenom Programu i ovom Javnom pozivu, smatraju se: osobe sa invaliditetom u procentu 60% i više, pripadnici manjinskih grupa naroda, osobe starije od 18 godina koje su bile pod institucionalnom skrbi JU Dom za nezbrinutu djecu ili SOS dječijeg sela, žene žrtve nasilja u porodici, mlade osobe u dobi od 18 do 35 godina i teško zapošljive osobe starije od 55 godina.

II – Iznos novčane podrške

- Za raspodjelu putem ovog Javnog poziva planirana sredstva u Budžetu Grada Tuzle za 2025. godinu iznose 55.000,00 KM.
- Novčana podrška putem ovog Javnog poziva može se ostvariti za upošljavanje samo jedne osobe iz kategorije nezaposlenih osoba navedenih u tački I ovog Javnog poziva.
- Novčana podrška po jednoj zaposlenoj osobi iznosi 3.000,00 KM, a namijenjena je za refundiranje troškova obaveznih doprinosa za PiO i zdravstveno osiguranje i osiguranje od nezaposlenosti za osobu uposlenu uz podršku ostvarenu putem ovog Javnog poziva.

III - Pravo učešća

Pravo učešća u ovom Javnom pozivu imaju privredna društva i samostalne djelatnosti registrovane na području grada Tuzle koji su u 2025. godini uposlili ili će u 2025. godini, u roku od 20 dana od dana objave Konačne liste o odabiru korisnika, uposliti osobu koja pripada nekoj od ranjivih kategorija nezaposlenih osoba iz tačke I ovog Javnog poziva, u stalni radni odnos ili na određeno vrijeme, uz obavezu zadržavanja osobe u radnom odnosu u trajanju od najmanje dvanaest mjeseci od dana upošljavanja.

Aplikanti iz prethodnog stava će biti isključeni iz učešća u ovom Javnom pozivu odnosno iz daljeg postupka dodjeljivanja sredstava novčane podrške ukoliko su u trenutku raspisivanja Javnog poziva:

- krivi za davanje lažnih informacija u prijavnom obrascu i/ili izjavi, a koje su preduslov za učestvovanje u pozivu za novčanu podršku ili ako nisu dostavili potrebne informacije;
- ukoliko su u posljednjih šest mjeseci od raspisivanja javnog poziva otpuštali radnike, izuzev u slučaju smrti radnika, odlaska u penziju radnika, u slučaju otkaza radniku kao rezultat vođenja disciplinskog postupka ili sporazumnog raskida radnog odnosa,
- nisu uredno ispunili obaveze iz prethodno sklopljenih ugovora o odobravanju novčane podrške iz sredstava Budžeta Grada Tuzle.

Za dodjelu novčane podrške putem ovog Javnog poziva ne mogu se prijaviti subjekti koji imaju status javne ustanove ili javnog preduzeća, neprofitne organizacije i privredni subjekti u vlasništvu bilo kojeg nivoa vlasti u BiH.

IV - Način prijavljivanja

Prijave na ovaj Javni poziv podnose se na propisanom prijavnom obrascu koji se može preuzeti sa zvanične internet stranice Grada Tuzle (<https://grad.tuzla.ba>) i u Centru za pružanje usluga građanima (Pisarnici Grada Tuzle).

▪ Uz popunjen prijavni obrazac, aplikanti su obavezni dostaviti sljedeću dokumentaciju:

- dokaz o registraciji samostalne djelatnosti ili privrednog društva na području grada Tuzle,
- dokaz o otvorenom računu u poslovnoj banci na koji će sredstva biti uplaćena (kopija),
- uvjerenje nadležne Porezne uprave Tuzla o izmirenim dospjelim poreznim obavezama da nije starije od 30 dana od dana podnošenja prijave na ovaj Javni poziv (original ili ovjerena kopija),
- dokaz da se osoba koju namjeravaju zaposliti u 2025. godini nalazi na evidenciji Biroa za zapošljavanje Tuzla, ili ukoliko se radi o osobi već zaposlenoj u toku 2025. godine, dokaz da je u momentu upošljavanja ta osoba bila na evidenciji Biroa za zapošljavanje Tuzla (prilaže se uvjerenje Biroa za zapošljavanje Tuzla da nije starije od 30 dana od dana podnošenja prijave na ovaj Javni poziv (original ili ovjerena kopija),
- lista osiguranih lica koja uključuje i odjavljena lica, izdata od Porezne uprave Tuzla, ne starija od 30 dana od dana podnošenja prijave na ovaj Javni poziv (original ili ovjerena kopija), sa dokazima o razlozima odjave za posljednjih šest mjeseci do dana raspisivanja ovog Javnog poziva.

- **Izjava** fizičkog lica, vlasnika samostalne djelatnosti, odnosno **Izjava** odgovornog lica u pravnom licu, ovjerena u Centru za pružanje usluga građanima (Pisarnici Grada Tuzle) ili u nadležnom notarskom uredu, kojom će se potvrditi:
 - ✓ da nije osuđivan i da se ne vodi postupak po osnovu privrednog kriminala fizičkog lica-vlasnika samostalne djelatnosti, odnosno odgovornog lica u pravnom licu,
 - ✓ da u posljednjih šest mjeseci od raspisivanja javnog poziva nije otpuštao radnike, izuzev u slučaju smrti radnika, odlaska u penziju radnika, u slučaju otkaza radniku kao rezultat vođenja disciplinskog postupka ili sporazumnog raskida radnog odnosa,
 - ✓ da je broj zaposlenih osoba naveden u prijavnom obrascu u momentu prijave na javni poziv tačan,
 - ✓ da će u roku od 20 dana od dana objave Konačne liste o odabiru korisnika zaposliti osobu koja pripada nekoj od ranjivih kategorija nezaposlenih osoba iz tačke I ovog Javnog poziva, u stalni radni odnos ili na određeno vrijeme (ovo se odnosi na aplikante koji do objave javnog poziva nisu uposlili nezaposlenu osobu iz ranjivih kategorija),
 - ✓ da će kao poslodavac osobu za čije upošljavanje dobija novčanu podršku zadržati u radnom odnosu najmanje 12 mjeseci o čemu će dostavljati odgovarajuće dokaze,
 - ✓ da će dodijeljena sredstva utrošiti za namjenu za koju će biti odobrena,
 - ✓ da je saglasan da u slučaju nepoštivanja odredbi ugovora o dodjeli sredstava, Pravilnika i Programa utroška sredstava, u narednih pet godina neće moći sudjelovati u bilo kojem programu podrške privrednim subjektima koji se realizuje iz Budžeta Grada Tuzle.

Obrazac navedene **Izjave** u prilogu je Prijavnog obrasca.

- **Pored gore navedene dokumentacije, uz prijavni obrazac je potrebno dostaviti i dokaz da nezaposlena osoba iz Tuzle koju je privredni subjekt zaposlio u 2025. godini ili je u 2025. godini namjerava zaposliti, pripada nekoj od ranjivih kategorija iz tačke I ovog Javnog poziva, tako da se u zavisnosti od kategorije ranjivosti prilaže:**
 - za osobu sa invaliditetom u procentu 60% ili više, kao dokaz se prilaže rješenje, ili nalaz i mišljenje nadležnog organa ili komisije koja utvrđuje invaliditet (kopija),
 - za osobu koja je pripadnik manjinske grupe naroda kao dokaz se prilaže ovjerena izjava te osobe o pripadnosti navedenoj manjinskoj grupi naroda (original ili ovjerena kopija),
 - za osobu stariju od 18 godina koja je bila pod institucionalnom skrbi JU „Dom za djecu bez roditeljskog staranja“ ili SOS dječijeg sela, kao dokaz se prilaže potvrda JU „Dom za djecu bez roditeljskog staranja“ Tuzla ili uprave SOS sela, da se radi o njihovom štićeniku (original ili ovjerena kopija),
 - za žene žrtve nasilja u porodici, kao dokaz se prilaže potvrda JU Centar za socijalni rad Tuzla ili potvrda UG Viva žene Tuzla (original ili ovjerena kopija),
 - za mladu osobu, u dobi od 18 do 35 godina, pripadnost navedenoj dobnoj kategoriji utvrdit će se po službenoj dužnosti,
 - za teško zapošljivu osobu stariju od 55 godina, pripadnost navedenoj dobnoj kategoriji utvrdit će se po službenoj dužnosti.

V- Provjera aplikacija (prijava)

Postupak dodjele sredstava za novčanu podršku putem ovog Javnog poziva provodi komisija za ocjenu prijava koja će sukcesivno nakon objave javnog poziva vršiti ocjenu zaprimljenih prijava te će po okončanju postupka ocjenjivanja sačiniti listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa predloženim iznosom sredstava kao i subjekte koji nisu ispunili uslove javnog poziva sa naznakom koji uslov nije ispunjen.

Komisija zadržava pravo da u postupku odlučivanja od aplikanata traži dodatna pojašnjenja u vezi aplikacije kao i da izvrši kontrolu na licu mjesta.

Ukoliko ukupan iznos odobrene podrške putem ovog Javnog poziva bude veći od iznosa raspoloživih sredstava za raspodjelu komisija će izvršiti proporcionalno smanjenje predloženog iznosa pojedinačne podrške svim korisnicima u jednakom procentu kako bi se uskladio iznos odobrene novčane podrške sa iznosom raspoloživih sredstava za raspodjelu te na taj način omogućilo da budu podržani svi subjekti koji su ispunili uslove za ostvarivanje iste.

Lista o odabiru korisnika se objavljuje na zvaničnoj internet stranici Grada Tuzle (<https://grad.tuzla.ba>) i na oglasnoj ploči Grada Tuzle.

Nezadovoljni podnosioci prijava na ovaj Javni poziv mogu podnijeti prigovor na listu o odabiru korisnika u roku od pet dana od dana objave liste na zvaničnoj internet stranici Grada Tuzle. Prigovor razmatra drugostepena komisija koju će imenovati Pomoćnik gradonačelnika za Službu za ekonomski razvoj, poduzetništvo i poljoprivredu.

Po okončanju postupka po prigovoru, Komisija na zvaničnoj internet stranici Grada Tuzle objavljuje Konačnu listu o odabiru korisnika, na koju više nije dozvoljeno podnošenje prigovora.

Nakon okončanja postupka Komisija o svom radu sačinjava zapisnik koji zajedno sa Konačnom listom o odabiru korisnika i prijedlogom iznosa novčane podrške dostavlja nadležnoj Službi za ekonomski razvoj, poduzetništvo i poljoprivredu, na osnovu čega se sačinjava i donosi program raspodjele sredstava.

Program raspodjele sredstava bit će objavljen na internet stranici Grada Tuzle (<https://grad.tuzla.ba>) i na oglasnoj ploči Grada Tuzle.

Detaljni uslovi korištenja dodijeljenih sredstava regulisat će se ugovorom koji se sklapa između Službe za ekonomski razvoj, poduzetništvo i poljoprivredu s jedne strane i korisnika sredstava s druge strane.

Korisnik dodjeljenih sredstava koji ima namjeru tek uposliti osobu koja pripada nekoj od ranjivih kategorija iz tačke I ovog Javnog poziva dužan je u roku od 20 dana od dana objave Konačne liste o odabiru korisnika zaposliti osobu koja pripada nekoj od ranjivih kategorija i za tu osobu dostaviti u Službu za ekonomski razvoj, poduzetništvo i poljoprivredu ugovor o radu u trajanju od najmanje 12 mjeseci, kao i prijavu uposlene osobe nadležnoj poreznoj upravi, nakon čega će se pristupiti potpisivanju ugovora o korištenju odobrenih sredstava i izvršiti transfer istih.

VI – Trajanje Javnog poziva i podnošenje aplikacija (prijava)

Ovaj Javni poziv prvobitno je bio otvoren 21 dan od dana objave te je zadnji rok za predaju prijave bio 7.10.2025. godine. **Rok za predaju prijave je produžen tako da je novi rok za predaju prijave, ponedjeljak, 20.10.2025. godine.**

Prijave na ovaj Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnice Grada Tuzle) ili poštom na adresu:

GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla,

sa naznakom:

Prijava za učešće u JAVNOM POZIVU
za dodjelu sredstava iz Budžeta Grada Tuzle za 2025. godinu za podršku samostalnim
djelatnostima i privrednim društvima registrovanim na području grada Tuzle u
zapošljavanju ranjivih kategorija u 2025. godini
- ne otvarati -

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu mogu se dobiti u Službi za ekonomski razvoj, poduzetništvo i poljoprivredu Grada Tuzle, putem telefona: 035/ 307-383, 307-385 i 307-387.